

# ALBANIAN COMPETITION AUTHORITY

## SHPREHJE

“Një tregtar që i qaset biznesit me idenë për t'i shërbyer publikut mirë, nuk ka përse t'i druhet konkurrencës”

James Cash Penney

## AUTORITETI I KONKURRENCËS

**Qëllimi i këtij newsletteri është t'u japë lexuesve një përmbledhje të punës së Autoritetit të Konkurrencës nëpërmjet vendimeve të Komisionit të Konkurrencës**

# MARRJE MASASH

Vendim nr.784, datë 12.03.2021

## **Për marrjen e masës së përkohshme për rivendosjen e konkurrencës në tregun e importit dhe shitjes me shumicë të plehrave kimike dhe inuteve bujqësore**

Nga vlerësimi i informacionit të grumbulluar gjatë monitorimit të kryer pranë ndërmarrjeve kryesore në tregun e importit dhe shitjes me shumicë të plehrave kimike dhe inuteve bujqësore, si dhe në ambientet e Shoqatës së Tregtarëve Shqiptarë të Plerave Kimike dhe Inuteve Bujqësore “AFADA”, rezultoi se: disa ndërmarrje gëzojnë të drejta ekskluzive në tregtimin e produkteve të mbrojtjes së bimëve; ndërmarrjet kanë realizuar importe të përbashkëta dhe kanë siguruar gjendje të produkteve në magazina, duke i shitur ato me çmime shumë më të lartë se kostot e blerjes së tyre.

Ndërmarrjet që operojnë në tregun e importit dhe shitjes me shumicë të plehrave kimike dhe inuteve bujqësore t'i japin fund bashkëpunimit mes tyre duke u sjellë në mënyrë të pavarur nga njëra-tjetra gjatë ushtrimit të aktivitetit të tyre tregtar sa i përket: importeve të produkteve; caktimit të çmimit të shitjes dhe/ose ndarjes së tregut përkatës; si dhe përdorimit të të drejtave ekskluzive.




## **ZBATIM I VENDIMEVE PËR MARRJE MASASH**

Vendim nr. 766, datë 22.01.2021

### **Mbi zbatimin e VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore” për ndërmarrjen New Medical Plus SHPK**

Ndërmarrja New Medical Plus SHPK u gjobit për moszbatim të masës së përkohshme sipas VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore”, përkatësisht në shumën 1 000 000 (një milion) Lekë.



Vendim nr. 765, datë 22.01.2021

### **Mbi zbatimin e VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore” për ndërmarrjen Florfarma SHPK**


Florfarma SHPK u gjobit për moszbatim të masës së përkohshme sipas VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore”, përkatësisht në shumën 1 000 000 (një milion) Lekë.



Vendim nr. 764, datë 22.01.2021

### **Mbi zbatimin e VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore” për ndërmarrjen Aquarius Medical SHPK**

Aquarius Medical SHPK u gjobit për moszbatim të masës së përkohshme sipas VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore”, përkatësisht në shumën 1 000 000 (një milion) Lekë.



# MONITORIME

Vendim nr. 779, datë 04.03.2021

**Mbi monitorimin e vendimit nr. 723, datë 17.11.2020 “Për mbylljen, me kushte dhe detyrime, të procedurës së hetimit të thelluar në sektorin bankar për Bankën Raiffeisen, Bankën Kombëtare Tregtare, Bankën Credins dhe Bankën Intesa SanPaolo” për periudhën 2019-2020 dhe dhënien e disa rekomandimeve**

Bazuar në informacionin e dhënë nga bankat në fjalë në lidhje me aktivitetin e tyre për periudhën 2019-2020, me Vendimin nr. 779, Komisioni i Konkurrencës vendosi t'i rekomandojë Bankës Raiffeisen, Bankës Kombëtare Tregtare, Bankës Credins dhe Bankës Intesa SanPaolo që gjatë miratimit të politikave të tyre monetare:

- a. Të eliminojnë kostot penguese, duke lehtësuar lëvizshmërinë e klientit mes bankave;
- b. Të zgjerojnë gamën e shërbimeve dhe produkteve nëpërmjet platformave dixhitale.

Tregu i shërbimeve Bankare



Sjellja e bankave do të jetë nën monitorim për një periudhë 12 mujore nga marrja e vendimit.

## PËRJASHTIM NGA NDALIMI I MARRËVESHJES

Vendim nr. 786, datë 25.03.2021

**Për përjashtimin nga ndalimi të marrëveshjes së lidhur ndërmjet shoqërive Philip Morris Products S.A dhe KT&G Cooperation**

Marrëveshja në fjalë parashikon krijimin e një produkti hibrid, kombinim i duhanit “heat-non-burn” me teknologjitë e avujve elektronikë dhe produktit e-vapor, i cili ende nuk është hedhur në treg nga asnjë nga palët në Marrëveshje.

Prekja e tregut shqiptar nga produkti i parashikuar në marrëveshje nuk është i menjëhershëm, por do të jetë pjesë e zgjerimit pas përmbushjes së nenin 4.1 “Tregjet”, të marrëveshjes.

Tregu i cigareve "smoke-free"



Afati i përjashtimit të marrëveshjes është 2 (dy) vite, nga marrja e këtij vendimi

# PROCEDURA HETIMORE

Vendim nr. 772, datë 11.02.2021

**Për hapjen e procedurës së hetimit të thelluar në tregun ku ushtrojnë veprimtarinë Subjektet Financiare Jobanka (SFJB)**

Në bazë të analizës së të dhënave të administruara, treguesit e përqendrimit të tregut ku ushtrojnë veprimtarinë subjektet financiare jobanka kanë vlera të larta dhe nisur nga sjellja në treg e subjekteve me pozitë dominuese, lindin dyshime për abuzim të kësaj pozite në shkelje të nenit 9 të ligjit nr. 9121/2003, i ndryshuar, përkatësisht nga ana e: Fondi Besa SHA në tregun e kredisë, Iute Credit SHA në tregun e mikrokredisë, Tirana Factoring & Lease SHA në tregun e faktoringut, Mogo Albania SHA në tregun e qirasë financiare dhe Unioni Financiar i Tiranës SHA në tregun e shërbimit të pagesave dhe transferimit të parave (kombëtare dhe ndërkombëtare) dhe parasë elektronike.

Tregu ku ushtrojnë veprimtarinë subjektet financiare jo bankë: tregu i kredisë, mikrokredisë, qirasë financiare, faktoringut, shërbimi i pagesave dhe transfertave dhe parasë elektronike



Vendim nr. 762, datë 22.01.2021

**Për hapjen e procedurës së hetimit të thelluar në tregun e prokurimit të shërbimit të shtypshkrimeve (printimi dhe zarfimi i faturave, pulla kontrolli, produkte speciale poste etj.) të zhvilluara nga Autoritetet Kontraktore AKBPM, Posta Shqiptare SHA, UKT, OSHEE dhe UKD, ndaj ndërmarrjeve: Inform Albania SHPK, Albdesign PSP SHPK, Kristalina.KH SHPK, Euroform SHPK, Interlogistic SHPK, Marketing & Distribution SHPK, Inpress SHPK dhe Adel Co SHPK**

Ky vendim është marrë në bazë të të dhënave të administruara dhe në përfundim të analizave të realizuara gjatë hetimit paraprak, ku janë ngritur dyshime se ndërmarrjet nën hetim janë përfshirë në sjellje të mundshme kufizuese të konkurrencës nëpërmjet një marrëveshjeje në oferta midis tyre.

Tregu i Prokurimit të Shtypshkrimeve




Vendim nr. 783, datë 12.03.2021

**Për hapjen e procedurës së hetimit paraprak në tregun e importit dhe shitjes me shumicë të plehrave kimike dhe inputeve bujqësore**

Nisur nga shqetësimet e ngritura në media mbi rritjen e çmimit të plehrave kimike, AK ka kryer monitorime në tregun e importit dhe shitjes me shumicë të plehrave kimike dhe inputeve bujqësore. Nga vlerësimi i informacionit të grumbulluar, rezultoi se: në këtë treg operojnë ndërmarrje të konsoliduara dhe me pjesë të konsiderueshme tregu ku disa prej tyre gëzojnë të drejta ekskluzive në tregtimin e produkteve të mbrojtjes së bimëve, dhe ku ndërmarrjet kanë realizuar importe të përbashkëta dhe kanë siguruar gjendje të produkteve në magazina duke i shitur ato me çmime shumë më të larta se kostot e blerjes së tyre

Tregu i prodhimit dhe tregimit të naftës bruto



Vendim nr. 785, datë 25.03.2021

**Për hapjen e procedurës së hetimit paraprak në tregun e prokurimit me objekt “Blerje ushqime për vitin 2021”, Loti I, Loti IV dhe Loti V, zhvilluar nga Autoriteti Kontraktor Drejtoria e Përgjithshme e Çerdheve dhe Kopshteve, Bashkia Tiranë**

Nga vlerësimi i informacionit të paraqitur nga Drejtoria e Përgjithshme e Çerdheve dhe Kopshteve, Bashkia Tiranë, si dhe KPP, ngrihen dyshime të arsyeshme se ndërmarrjet M.C.Catering SHPK dhe Eagle Cons SHPK përdorin skemën e ofertës së mbuluar duke rënë dakord paraprakisht se cili prej tyre do të paraqesë ofertën më të lartë dhe cili ofertën fituese në procedurën e prokurimit ku ata do të jenë pjesëmarrës, me qëllim që të kualifikohet ai që ka ofertën më të ulët, duke krijuar përshtypjen e një oferte të pastër dhe një konkurrence të sinqertë.

Tregu i prokurimit me objekt “Blerje ushqime për vitin 2021”, Loti I, Loti IV dhe Loti V, zhvilluar nga Autoriteti Kontraktor Drejtoria e Përgjithshme e Çerdheve dhe Kopshteve, Bashkia Tiranë



# AKTE - Udhëzime

Vendim nr. 778, datë 04.03.2021

## Mbi miratimin e disa shtesave dhe ndryshimeve në Rregulloren “Për caktimin e shpenzimeve për ndjekjen e procedurave pranë AK”

KK vendosi për ndryshimin e Nenit 4 “Caktimi i tarifave për ndjekjen e procedurave në rastet e kontrollit të përqendrimeve” pika 1 e Rregullores, si në vijim:

- a. Njoftimi pranë Autoritetit të Konkurrencës nga ndërmarrjet pjesëmarrëse i një transaksioni, i cili nuk përmbush kriteret e përcaktuara në nenin 10 ose 12 të ligjit dhe për të cilin nuk kërkohet plotësimi i “Formularit të Njoftimit të Përqendrimit”, bëhet kundrejt pagesës me vlerë 15 000 (pesëmbëdhjetë mijë) lekë.
- b. Njoftimi pranë Autoritetit të Konkurrencës i “Formularit të Thjeshtuar të Njoftimit të Përqendrimit” nga ndërmarrjet pjesëmarrëse, sipas përcaktimit të nenit 10 dhe 12 të ligjit (që bashkohen, që përftojnë kontroll, për krijimin e një ndërmarrjeve të përbashkët si dhe për rastet kur pjesa e ndërmarrjes preket nga transaksioni i kryer) bëhet kundrejt pagesës me vlerë 15 000 (pesëmbëdhjetë mijë) lekë.
- c. Njoftimi pranë Autoritetit të Konkurrencës i “Formularit të Plotë të Njoftimit të Përqendrimit” nga ndërmarrjet pjesëmarrëse, sipas përcaktimit të nenit 10 dhe 12 të ligjit (që bashkohen, që përftojnë kontroll, për krijimin e një ndërmarrjeve të përbashkët si dhe për rastet kur pjesa e ndërmarrjes preket nga transaksioni i kryer) bëhet kundrejt pagesës me vlerë 50 000 (pesëdhjetë mijë) lekë.”



Vendim nr. 781, datë 12.03.2021

## Miratimi i Udhëzimit mbi praktikat më të mira për dorëzimin e provave ekonomike dhe mbledhjen e të dhënave

Ky Udhëzim përcakton praktikat më të mira në lidhje me gjenerimin, si dhe prezantimin e provave përkatëse ekonomike dhe empirike që mund të merren parasysh gjatë vlerësimit të një rasti/çështjeje në lidhje me zbatimin e neneve 4 dhe 9 të Ligjit nr.9121/2003 “Për Mbrojtjen e Konkurrencës”, i ndryshuar, ose në rastet e përqendrimeve.

Ai parashikon rregulla lidhur me dorëzimin e provave ekonomike, të dhënave sasiore, për të siguruar të dhëna në kohën e duhur, të cilat janë të rëndësishme për procedurat hetimore.

Udhëzimi ofron rekomandime në lidhje me përmbajtjen dhe prezantimin e analizave ekonomike ose ekonometrike, duke theksuar rëndësinë që ka mënyra se si janë mbledhur të dhënat, duke përshkruar në tërësi burimet e të dhënave, shembullin, procesin e përzgjedhjes, etj., me qëllim lehtësimin e vlerësimit dhe përsëritjen e çdo rezultati empirik nga AK dhe/ose palë të tjera.



# REKOMANDIME

Vendim nr. 782, datë 12.03.2021

**Për dhënie rekomandimi ndaj ndërmarrjes KESH SHA lidhur me shprehjen e interesit të Shoqërisë “Noa Energy Trade” SHPK për lidhjen e një marrëveshjeje për shkëmbim të energjisë elektrike me KESH SHA**

Nisur nga analiza e konkurrencës, u arrit në përfundimin se shprehja e interesit nga shoqëria “Noa Energy Trade” SHPK për lidhjen e një marrëveshjeje për shkëmbim të energjisë elektrike me KESH SHA, nuk përmban dispozita kufizuese në kuptim të ligjit nr. 9121/2003, “Për Mbrojtjen e Konkurrencës”, i ndryshuar.

Ndërmarrja KESH SHA, si operator me pozitë dominuese, detyrohet të kërkojë një vlerësim paraprak nga KK për çdo kontratë të ardhshme, e cila vendos të drejta të veçanta ose ekskluzive, për ndërmarrje ose produkte të caktuara.



Vendim nr. 768, datë 28.01.2021

**Për dhënien e disa rekomandimeve Entit Rregullator të Ujit mbi aplikimin për ndryshimin e nivelit tarifar për ndërmarrjen Ujësjellës Kanalizime Patos SHA**

Në përfundim të analizës së konkurrencës, KK vendosi t'i rekomandojë ERRU që:

a . Të miratojë tarifa të orientuara drejt kostos së shërbimeve dhe të bazuara në parimin e mosdiskriminimit për ndërmarrjen UK Patos SHA,

b . Të kërkojë nga UK Patos SHA, ndarjen e kostove për të dyshërbimet e ofruara: furnizimin me ujë dhe kanalizimin e ujërave të ndotura, si dhe paraqitjen e subvencioneve të përfituara duke njoftuar Autoritetin e Konkurrencës brenda 90 ditëve për realizimin e këtij rekomandimi.

c . Të kryejë auditimin vjetor të përputhshmërisë në sistemin e llogaritjes së kostos dhe të bëjë transparente përshkrimin e sistemit të llogaritjes së kostos duke përfshirë dhe subvencionet dhe investimet e përfituara.



Vendim nr. 780, datë 04.03.2021

**Për disa rekomandime për rritjen e konkurrencës në ankandin publik me objekt “Shitje me ankand të aksioneve të Klubit të Futbollit “Vllaznia”, zhvilluar nga Bashkia Shkodër**

Autoriteti Shitës ka përjashtuar pjesëmarrjen e personave fizik, siç argumentohet më sipër, si dhe ka vendosur edhe kritere të shumta të cilat tejkalojnë frymën dhe qëllimin e LAP-së, siç përmendim: krahas kontratave, transaksioneve dhe eksperiencave të ngjashme; edhe sponsorizime të ngjashme në masën 40% të vlerës fillestare të ankandit, etj. Këto kritere shtrembërojnë konkurrencën duke krijuar pabarazi në mundësi midis operatorëve ekonomikë.

KK vendosi t'i rekomandojë Autoritetit Shitës, Bashkisë Shkodër, rishikimin e kritereve të përcaktuara në DSA, me qëllim sigurimin e mundësive të barabarta për operatorë ekonomikë të ndryshëm, duke rritur pjesëmarrjen në këtë procedurë ankandi



# PËRQENDRIME

## Vendim nr. 773, datë 18.02.2021

Mbi autorizimin e përqendrimit të realizuar nëpërmjet përfutimit të kontrollit të shoqërisë Navistar International Corporation nga shoqëria Traton SE

## Vendim nr. 770, datë 04.02.2021

Mbi autorizimin e përqendrimit të realizuar nëpërmjet përfutimit të kontrollit të shoqërisë H-TEC Systems GmbH nga shoqëria MAN Energy Solutions SE

## Vendim nr. 767, datë 28.01.2021

Mbi autorizimin e përqendrimit të realizuar nëpërmjet përfutimit të kontrollit të Degës së Ndërmarrjes të shoqërisë Inso - Sistemi Per le Infrastrutture Sociali S.p.A nga shoqëria Fincantieri Infrastrutture S.p.A.

## Vendim nr. 760, datë 14.01.2021

Mbi autorizimin e përqendrimit të realizuar nëpërmjet përfutimit të kontrollit të shoqërisë Aviva Vita SPA nga shoqëria Unione di Banche Italiane S.p.A.

## Vendim nr. 761, datë 22.01.2021


Mbi autorizimin e përqendrimit të realizuar nëpërmjet përfutimit të kontrollit të shoqërisë Lombarda Vita S.p.A nga shoqëria Unione di Banche Italiane S.p.A.



Prodhimi i autobusëve të linjës urbane dhe motorëve diesel, anijeve tregtare dhe pasagjerësh, automjeteve tregtare dhe pasagjerësh, dhe makinerive bujqësore



Projektimi, prodhimi dhe shitja e pajisjeve dhe impianteve, duke përfshirë hardware dhe software, si dhe konsulentë dhe shërbime në fushën e teknologjisë së hidrogjenit dhe teknologjive të lidhura me të



Projektimi dhe ndërtimi i infrastrukturave në sektorin e kujdesit shëndetësor, si dhe instalimi, transformimi, zgjerimi dhe mirëmbajtja e sistemeve dhe shërbimeve të objekteve dhe infrastrukturave të kujdesit shëndetësor në përgjithësi



Ofrimi i sigurimeve të kredisë, mbrojtje investimesh, bono dhe shërbime të tjera sigurimi, risigurimi dhe menaxhim fondesh



Shoqëri sigurimi

## RRËZIM KËRKESË PËR RISHIKIM VENDIMI

### Vendim nr. 763, datë 22.01.2021

**Rrëzimi i kërkesës së shoqërisë Vodafone Albania SHA për rishikimin e vendimit nr. 758 datë 28.12.2020 "Mbi autorizimin e përqendrimit të shoqërisë ApNet SHPK nga shoqëria ABCom SHPK"**

Me vendimin nr. 758, datë 28.12.2020, Komisioni i Konkurrencës gjobiti ABCom SHPK 0.2% të xhiros së vitit 2019 ose 3,986,270 (tre milion e nëntëdhjetë e tetë mijë e dyqind e shtatëdhjetë) lekë për njoftimin e përqendrimit jashtë afatit 30 ditor nga lidhja e marrëveshjes, duke shkelur nenin 12 pika 2 të Ligjit Nr. 9121, datë 28.07.2003 "Për Mbrojtjen e Konkurrencës", i ndryshuar

Komisioni i Konkurrencës e rrëzoi kërkesën e shoqërisë Vodafone Albania SHA për rishikimin e pikës 2 të VKK nr. 758 datë 28.12.2020, pasi pretendimet që gjoba është diskriminuese, joproportionale dhe e paprecedentë, nuk mbështeten në ligj dhe në prova.

Si të kontaktoni Autoritetin e Konkurrencës? Website: [www.caa.gov.al](http://www.caa.gov.al)  
Email: [competition@caa.gov.al](mailto:competition@caa.gov.al)  
Adresa: Rruga "Sami Frashëri", Nr. 4, Kati IV, Tiranë, 1004

E Hënë - E Enjte 08:00 - 16:30,

E Premte 08:00 - 14:00

Telephone: +355 4 2234

+355 42234504, +355 42234497



@AutoritetiK



Autoriteti Konkurrencës

